



Broj: 010-14- 4056/18
Sarajevo, 11.12.2018.godine

Na osnovu člana 15. Zakon o principima lokalne samouprave u Federaciji Bosne i Hercegovine („Službene novine Federacije BiH“, br.: 49/06 i 51/09), člana 50. Statuta Općine Novo Sarajevo („Službene novine Kantona Sarajevo“ broj: 35/10) i člana 3. Odluke o načinu odabira i praćenju realizacije projekata nevladinih/neprofitnih organizacija po LOD metodologiji („Službene novine Kantona Sarajevo“ broj: 49/15) i u skladu sa Integriranom strategijom razvoja Općine Novo Sarajevo do 2023. godine, Načelnik Općine Novo Sarajevo, raspisuje:

JAVNI POZIV
ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA IZ OBLASTI OBRAZOVANJA, KULTURE, SPORTA,
PODRŠKE MLADIMA, PODRŠKE ZA DJECU SA POTEŠKOĆAMA U RAZVOJU
I OBLASTI ZAŠTITE OKOLIŠA, ZA 2019. GODINU.

Općina Novo Sarajevo poziva sve organizacije civilnog društva (OCD) / nevladine organizacije (NVO) iz Bosne i Hercegovine da dostave prijedloge projekata iz slijedećih prioritarnih oblasti:

1. Obrazovanje:

- 1.1. Projekti koji imaju za cilj organizovanje edukativnih radionica, treninga, kampanja u cilju podizanja svijesti o važnosti cjeloživotnog učenja i promovisanje demokratije i standarda volonterizma,
- 1.2. Projekti koji se realizuju u cilju promocije zdravih stilova života školske populacije sa područja općine Novo Sarajevo, te prevencije ovisnosti, maloljetničkog nasilja, delikvencije i nasilja u porodici.
- 1.3. Projekti koji imaju za cilj promoviranje ravnopravnosti spolova u skladu sa Gender akcionim planom Općine Novo Sarajevo za period 2018-2022. godina (Srednjoročni cilj 3 Općina prati stanje i saraduje sa drugim akterima na unapređenju stanja ravnopravnosti spolova)

2. Kultura

- 2.1. Projekti koji imaju za cilj promociju različitih vidova kulture, umjetnosti, kulturno – umjetničkog amaterizma i volonterizma.
- 2.2. Projekti koji imaju za cilj promociju tradicije i kulturne baštine nacionalnih manjina.

3. Sport

- 3.1. Projekti koji se realizuju u cilju unaprjeđenja i promocije sporta (afirmacija zimskih, vodenih i drugih sportova, organizacija sportskih takmičenja za učenike osnovnih i srednjih škola).

4. Podrška mladima

- 4.1. Projekat izrade Strategije prema mladima Općine Novo Sarajevo sa akcionim planom 2018 -2020.
- 4.2. Projekti koji imaju za cilj unaprjeđenje omladinskog aktivizma (razni vidovi edukacija, promotivne kampanje i kulturne sadržaje za mlade umjetnike).

5. Podrška za djecu sa poteškoćama u razvoju

- 5.1. Socijalno uključivanje djece sa poteškoćama u razvoju kroz realizaciju edukativnih i rekreativnih programa.

6. Zaštita okoliša

- 6.1. Edukacija i obuka o zaštiti okoliša u skladu sa Programom edukacije i obuke o zaštiti okoliša Općine Novo Sarajevo za 2018. godinu.

Sredstva za odobrene projekte iz oblasti obrazovanja, kulture, sporta, podrške mladima i podrške za djecu sa poteškoćama u razvoju (navedene pod tačkama 1., 2., 3., 4. i 5.) iznosit će od 5.000,00 KM do 20.000,00 KM (konvertibilnih maraka).

Sredstva za odobrene projekte iz oblasti zaštite okoliša (navedeno pod tačkom 6.) iznosit će od 5.000,00 KM do 25.000,00 KM (konvertibilnih maraka).

Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

Dužina trajanja svakog projekta može biti minimalno jedan mjesec, a izabrani projekti trebaju da se provedu do kraja kalendarske godine.

LOKACIJA:

Projekat mora biti implementiran na području općine Novo Sarajevo, osim aktivnosti za koje ne postoje pretpostavke (uslovi) da se odvijaju na teritoriji Općine, a čija su ciljna grupa građani Općine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD i NVO (udruženja/udruge ili fondacije), u skladu s važećim zakonskim propisima u Bosni i Hercegovini. Sve zainteresirane organizacije civilnog društva detaljne informacije o uslovima za prijavu/apliciranje i kriterijima za finansiranje projekata mogu pronaći u smjernicama za podnosiocce prijedloga projekta u okviru javnog poziva.

Podnosilac može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat.

PREUZIMANJE DOKUMENTACIJE:

Dokumentacija i informacije vezane za prijavu na Javni poziv za općinu Novo Sarajevo mogu se preuzeti sa službene web stranice općine www.novosarajevo.ba ili lično: Općina Novo Sarajevo, Služba društvene djelatnosti, sprat II, kancelarija broj 221, ulica Zmaja od Bosne broj 55, Sarajevo.

Informativni sastanak u vezi sa pozivom potencijalnim aplikantima za predaju prijedloga projekata „Otvoreni dan“, će se održati **dana 27.12. 2018. godine, u periodu od 13.00 do 15.00 sati** u „Međunarodnom centru za djecu i omladinu Novo Sarajevo“, ulica Kemala Kapetanovića broj 17, Sarajevo. Potencijalni aplikanti će tokom sastanka imati priliku da dobiju odgovore na pitanja u vezi sa nejasnoćama vezanim za apliciranje na javni poziv, te eventualna dodatna pojašnjenja i uputstva za prijavu projekata.

PREDAJA APLIKACIJA:

Ispunjena aplikacija (sa kompletnom zahtijevanom dokumentacijom) mora se dostaviti **u dva (2) primjerka u štampanoj formi i u jednoj elektronskoj kopiji (CD ili USB)** u zatvorenoj kovrti sa naznakom „za javni poziv organizacijama civilnog društva/nevladinim organizacijama za predaju prijedloga projekata iz oblasti obrazovanja, kulture, sporta, podrške mladima, podrške za djecu sa poteškoćama u razvoju i oblasti zaštite okoliša“ preporučenom poštom ili na protokol Općine tokom radnih dana (ponedjeljak-petak), na slijedeću adresu: Općina Novo Sarajevo, Služba za poslove opće uprave i mjesne zajednice Općine Novo Sarajevo, Zmaja od Bosne broj 55, 71000 Sarajevo, Bosna i Hercegovina. Na kovrti mora biti naznačeno: naziv poziva za predaju prijedloga projekata, puno ime i adresa podnosioca projekta, oblast za koju se aplicira i navod „**Ne otvarati**“.

Rok za predaju aplikacija/prijava je 28 dana od dana objavljivanja u sredstvima javnog informisanja, odnosno do **10. 01. 2019.godine**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. O primljenoj pošiljci u Općini će se voditi uredna evidencija i izdavati potvrde o prijemu. Rezultati će biti objavljeni na web stranici Općine Novo Sarajevo, kao i na oglasnoj ploči Općine. Svi aplikanti koji su predali prijedloge projekata, koji su prihvaćeni ili odbijeni, bit će obaviješteni u pisanoj formi o odluci u vezi s njihovim prijedlogom projekta.

OPĆINSKI NAČELNIK

Nedžad Koldžo



Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za društvene djelatnosti (387 33) 492 188, fax (387 33) 492 341

E mail: drustvened@novosarajevo.ba

Identifikacioni broj : 4200558710008 PDV broj: 200558710008 Porezni broj: 0170333000

Depozitni račun (za uplatu svih javnih prihoda): 3380002210023628 UniCredit Bank d.d. Sarajevo;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo; 3386902296664459 UniCredit Bank d.d. Sarajevo;

102050000098065 Union Banka d.d. Sarajevo; 1413065320060897 Bosna Bank international d.d.

